

鎮方隅辟斥邪妄若有犯干禁忌驚擾龍神  
祈謝修禮迴凶就吉七十二位刑德眾神助  
道安人祛災致福罪咎蠲釋疾厄無侵或云  
九世七玄生天證道克臻積貺常保安寧言  
功之辰加爵進賞若和家即自上願乾坤昭

泰日月貞明五緯順常萬方康樂帝圖隆固  
聖壽遐長杜稷尊靈宗祀先聖惟昌寶曆乎  
祐寰區臣任忠貞黍稷豐稔兵戈自戢符瑞  
彰聞萬國朝宗窮荒入貢某家道氣流布善  
力資薰嘉作日新親緣同福三徒六趣蠢動  
飛沉聖澤所覃普天全濟上明  
天尊太慈之施下副巨眾等懺謝之誠謹啓

次十二願  
次復爐呪  
次學仙  
次出戶呪  
次玄師前上香  
次回向讚  
次彈指散如常儀  
太上洞淵三昧神呪齋清且行道儀

太上洞淵三昧神呪齋十方懺儀

廣成先生杜光庭則定

東方

臣等謹為齋主某甲等修建洞淵三昧神呪  
大齋行道禮懺救療災疾却禍祈恩伏願

太上垂慈諸天愍育勅下十方主者大梵天  
王殺鬼吏兵祛災力士齊臨法席俱到道場  
為齋主收逐魔精驅斥鬼祟勾盈子等徒侶  
所行東災速賜剪除臣持齋主百病除愈千  
殃滂消增續年齡超騰祿位九玄昇度七租  
道適合宅安貞良賤康泰得如所願仰荷玄  
恩

呪曰

東方蒼老君 號曰勾芒靈 梵汝遊太空  
蒼蒼拂玉京 大乘總三天 眾真統魔兵  
八音備十地 九龍雲輿迎 建齋立大功  
長夜自光明 正道法鼓振 百邪悉摧傾  
魔王來稽首 敢試滅其形 善神擁門戶  
力士交萬靈 道氣廣流布 家親咸安寧  
疫毒皆消盡 萬民悉長生 相與弘至道

俱遊紫鳳城

南方

臣等謹為齋主某甲等修建洞淵三昧神呪  
大齋行道禮懺救療災疾請福祈恩特願  
大聖弘慈眾真垂祐遣天丁力士赤殺天兵  
收逐魔孽滅却焦氏九子等眾所行災疾一  
切凶殃並願攝毒收精各還方位當使齋主  
等疾愈痊愈魂魄清安算壽增延祿位超進  
先亡往逝免脫幽途合宅安康良賤貞吉得  
如所願仰荷玄恩

呪曰

南方天帝君 八表號閻浮 飛軒駕雲與  
十直三天遊 玉女乘霄唱 金光臨丹丘  
今日轉法輪 梵響振九嶠 天魔勅魔兵  
風舉自然休 晃晃三光暉 百邪投九幽  
敢有干試者 力士斬其頭 諸天帝王子  
殺鬼氣不流 故有強梁者 灌湯煮其軀  
千千悉斬首 萬萬不得留 興齋攝魔精  
魁魁次吹收 大道威嚴重 神風拂邪妖  
鬼疫既消盡 萬民無災憂

西方

巨等謹為齋主某甲等修建洞淵三昧神呪  
大齋行道禮懺救疾消厄滅禍除凶伏惟  
五帝神尊少陰衆聖垂慈巨澤哀鑒懇祈願  
遣九天大兵赤殺力士收除信陵赤鳥魘魘  
生死之神塚墓之鬼烏奴留子等徒並乞裁  
斷凶殃辟除瘟疫降下靈液灌注三田四大  
輕強更增年算祿位遷永遠赴白衡先亡祖  
曾俱超靜域得如所願仰荷玄恩

呪曰

西方華收神 號曰為勾尼 三光玄太虛  
朗朗超四維 八音三十二 百邪氣自摧  
今日建福田 神呪破鬼脩 然燈光遠照  
長夜朗然開 風止雨亦休 斬妖東好非  
敢有干違鬼 縛送地獄畿 金刀縱橫截  
鐵杖歷亂揮 行道除百惡 燒香滅千災  
道士心精專 積善起死骸 萬邪長真正  
伏息無敢違 奉師尊大道 道氣自來歸  
愚人不能學 智者常依依 不惜財貨身  
貴教乘空飛

北方

巨等謹為齋主某甲等修建洞淵三昧神呪  
大齋轉經行道救治災疾請福祛魔伏願  
五氣神君北方真聖勅下勒宋文昌等衆風  
雨將軍四天大王齊心併力收除青真大魔  
弗且連子門戶并竈之鬼丞伯阿倫丁寧子  
都等為衆之神一切消除清蕩內外使齋主  
等疾患悉復四大輕強安定精神增延福壽  
先亡滯魄各獲清昇合宅咸康吉無不利得  
如所願仰荷玄恩

呪曰

北方躡單境 帝神曰玄冥 落落四運開  
昭昭五氣明 豁豁邪穢除 蕩蕩天地清  
太上威嚴切 凶鬼死不生 敢有違逆者  
收之付天丁 千千皆截首 萬萬悉斬形  
閻羅剪邪妖 北斗滅魔精 神風掃不祥  
萬惡不敢停 上聖惠澤流 萬物普咸榮  
中央

方天下三十六天力士覆護齋主滅祟消凶  
收除客死雲中李子敖凶殃之鬼六畜人形  
五木百媚蠻夷戎老羌虜山上水中火內射  
公萬種等鬼一切消滅當願齋主千罪萬咎  
悉乞赦除厄患潛消衰危過免千齡保作祿  
位遷升七祖九玄咸登妙果得如所願仰荷  
玄恩

呪曰

中央戊己神 黃帝統萬機 三秦總八方  
勾陳耀天暉 天輝光照灼 豁然幽夜開  
至道恩慈普 萬兆悉歸依 今日建大齋  
萬惡不敢希 風停不動條 福德高巍巍  
鬼疫敢不忌 億億斬無遺 百姓遭疾苦  
若請神呪齋 病者即蒙差 鬼氣自崩摧  
諸天攝魔靈 泉真斬邪非 太上金口勅  
不從死怨誰 若能伏道教 止惡勿行非  
東北方

東北方

巨等謹為齋主某甲等修建洞淵三昧神呪  
大齋轉經行道救穢災疾請福折恩願遣五  
方靈童收斬五精七火賈元黃奴兄弟所行

萬病一切災殃願攝鬼兵驅除崇害莫得疾  
患痊愈體健身康更續年餘遷騰祿位閭門  
受慶良賤蒙安七祖清昇九玄解脫得如所  
願仰荷玄恩

呪曰

東北良之子 其神御陰節 奉承太上教  
善惡各分別 邪訛不干真 犯者宜誅殺  
上聖護生民 侵者加大罰 洞淵理清爾  
三昧法嚴切 神呪滅邪魔 邪魔並消滅  
除凶凶即止 斬鬼鬼即絕 神兵闔天下  
靈風掃煙燄 百福千方起 千災九陰沒  
公私無障惱 存亡蒙濟拔

東南方

臣等謹為齋主某甲等修建洞淵三昧神呪  
大齋行道禮懺願遣赤辛小吏太上真騎收  
除百龍王翦等所行災疾驅遣下兵俱蒙斷  
截使齋主清蕩六府流潤百關疾恙蠲除衰  
厄殄滅保安祿位增續年餘拔度幽魂匡待  
見在得如所願仰荷玄恩

呪曰

東南異之神 地戶張網羅 網羅布天下  
百鬼不得過 五嶽為安靜 四海不騰波  
萬邪不敢動 禁物一切魔 魔鬼敢近  
斬之付隍羅 頭破數千片 身形悉滅磨  
護救生民苦 災厄自先過 三官伏威令  
依如女青科

西南方

臣等謹為齋主某甲等修建洞淵三昧神呪  
大齋解穰災疾行道禮懺願遣九天主者三  
元力士主收天下崇害妖祥山林水火風土  
大鬼憂連文慶子等徒乞斥去千里遠出他  
方原赦齋主過往之愆蠲除見在諸疾使魂  
清氣與尼運蕩消四大康和六府通潤鬼氣  
蕩蕩靡精除福壽增鏡祿位遐永得如所  
願仰荷玄恩

呪曰

西南坤之母 神制收邪精 禁止天地鬼  
瘟毒不得行 若有不從者 金刀斬汝形  
今日建大齋 拔死而理生 三光一流照  
九幽並開明 明朗備十方 百鬼無藏形

故為病不止 收之付七星 神風掃凶邪  
邪惡自然平 老君明旨教 急急如律令

西北方

臣等謹為齋主某甲等修建洞淵三昧神呪  
大齋行道禮懺思神念具折恩請福願遣健  
兵力士驅除王鳳白起所領災凶應時殄滅  
不得容恕當使齋主神安魄定靈藥灌心疾  
患日痊算壽增續祿位惟永早列台階七祖  
九玄俱登妙樂得如所願仰荷玄恩

呪曰

西北乾之父 其神通天光 聖帝愍民人  
百鬼之剋傷 故結於天羅 布徧於十方  
捕瘟收疫鬼 無一得隱藏 次次斬殺鬼  
付之沸鑊湯 一切令滅盡 無復得逃亡  
今日立功德 福流殄禍殃 病者得痊差  
未則保休康 居宅悉清穩 鬼氣盡消亡  
天神咸擁護 闔門永吉昌

上方

臣等謹為齋主某甲等修建洞淵三昧神呪  
大齋愈病消災功德行道願遣黃英力士正

一使者除遣女盆子赤盲大魔請自攝邪精  
應時蠲滅使齋主凶殃雨散厄障雲消六府  
恬和百關調暢算壽增益祿位長安七祖遷  
昇九玄蒙慶得如所願仰荷玄恩

呪曰

上方諸天帝 出入大羅門 瘞育地上民  
劫運使長年 下邪敢不亡 縱毒殺萬民  
狼藉死病苦 怨聲徹上天 天上下火兵  
擲火收百瘟 三五斷邪徑 七星塞鬼門  
掩縛付天獄 萬民得完全

下方

臣等謹為齋主某甲等修建洞淵三昧神呪  
大齋行道禮懺歸命眾專願遣大明監邪迴  
然使者各持鐵騎收捕邪精當使齋主疾病  
輕除神安魄定災運蕩滅壽算增延寵祿長  
承台階速踐得如所願仰荷玄恩

呪曰

下方地祇靈 紀綱都九域 清澄於四海  
安鎮於五嶽 制攝邪魔鬼 不得行百毒  
上聖護生民 故下盟威勅 若有違逆者

收之付天獄 鐵鈎鈎鬼眼 金刀截手足  
神呪殺百邪 百邪滅種族 萬民感道恩  
無復哀悲哭 免度凶忌年 會見世安樂

太上洞淵三昧神呪齋十方懺儀

正一天師清微弟子 洪百堅 製作  
道教學術資訊網站

太上洞玄靈寶授度儀表 化

臣修靜依棲至道翹竚靈文造次弗忘奉會  
有數願使草茅之品獲披龍鳳之章妙重專  
嚴非所堪勝誠欣誠懼冰炭于心自從叨竊  
以來一十七年竭誠盡思遵奉修研習神  
文耽味玄趣心存日想期以必通秉操勵情  
夙夜匪懈考覽所受粗得周遍自覺神閑意  
解漸悟理歸究竟妙致本自仰絕其羸跡近  
旨謂可彷彿伏尋靈寶大法下世度人玄科  
舊目三十六卷符圖則自然空生讚說皆上  
真注筆仙聖之所由歷劫之基範文則奇麗  
尊貴事則真要密妙辭則清虛玄雅理則幽  
微濬遠標明罪福權便應適戒律軌儀導達  
羣方靈普八振聳盲開豁法門四達巨細獲  
所洋洋大化無量法橋但正教始興天書寶  
重大有之益不盡顯行然即今見出元始舊  
經并仙公所稟巨據信者合三十五卷根末  
表裏足相輔成大乘之體備用不少但授度  
成儀唯有二表闕奏啓請無其典式若聖人  
傳法則天真列具不假名引之煩今下俗俾